



**KETUA PENDAFTAR
INSTITUSI PENDIDIKAN TINGGI SWASTA
REGISTRAR GENERAL
PRIVATE HIGHER EDUCATIONAL INSTITUTIONS**

Jabatan Pendidikan Tinggi
Department of Higher Education
Aras 9, No.2, Menara 2,
Jalan P5/6, Presint 5
62200 PUTRAJAYA
MALAYSIA



Tel: 603-88706381
Faks (Fax): 603-88706840
Portal Rasmi: <http://jpt.mohe.gov.my>
(Official Portal)

Ruj. Kami : JPT/GS 1000-617 Jld. 2 (2)
Tarikh : 19 September 2016

Semua Ketua Eksekutif Institusi Pendidikan Tinggi Swasta

YBhg. Tan Sri/Datuk Seri/Dato' Seri/ Datuk/Dato'/Datin/Prof./Dr./Tuan/Puan,

PEMAKLUMAN BERKENAAN PENAMBAHBAIKAN DASAR PINDAH KREDIT

Dengan hormatnya saya merujuk kepada perkara di atas.

2. Sukacita dimaklumkan bahawa Kementerian Pendidikan Tinggi (KPT) dan Agensi Kelayakan Malaysia (*Malaysian Qualifications Agency*, MQA) telah membuat **penambahbaikan terhadap dasar pindah kredit** iaitu:

i. Pindah Kredit Dengan Gred:

Pindah kredit secara *horizontal* bagi pelajar yang berada dalam sistem (pelajar yang masih dalam pengajian). Kredit dikira dalam kredit bergraduat pelajar dan gred kursus diambil kira dalam pengiraan Purata Nilai Gred (PNG) dan Purata Nilai Gred Kumulatif (PNGK).

Contoh:

Pelajar yang sedang mengikuti Diploma A bertukar ke Diploma B pada semester kedua. Maka proses pindah kredit pelajar tersebut akan mengambil kira gred kursus dari Diploma A dalam pengiraan PNG dan PNGK pelajar di Diploma B.

ii. Pindah Kredit Tanpa Gred (turut dipanggil pengecualian kredit):

Pindah kredit secara *vertical* atau *horizontal* bagi pelajar yang telah keluar daripada sistem (pelajar yang telah tamat pengajian) atau telah mencapai tahap kompetensi dalam kursus berkenaan. Kredit kursus yang dipindahkan diambil kira dalam kredit bergraduat tetapi gred kursus tidak diambil kira dalam pengiraan PNG dan PNGK pelajar.

Contoh 1:

Pelajar lepasan sijil menyambung pengajian ke peringkat diploma dan membuat pindah kredit bagi kursus-kursus yang bersesuaian. Maka kredit bagi kursus yang pernah diikuti di peringkat sijil akan diambil kira dalam pengiraan kredit bergraduat pelajar. Namun, gred kursus tidak akan diambil kira dalam pengiraan PNG dan PNGK pelajar.

Contoh 2:

Pelajar yang telah tamat program Diploma A dan kemudian ingin mengikuti program Diploma B. Bagi situasi ini yang mana pelajar telah memiliki kelayakan di peringkat yang sama, maka pindah kredit tidak akan mengambil kira gred kursus dalam pengiraan PNG dan PNGK pelajar di Diploma B.

Contoh 3:

Pindah kredit yang berdasarkan pengalaman melalui APEL *Credit* (C) tidak melibatkan gred. Oleh yang demikian, hanya kredit yang akan diambil kira.

Pindah kredit bagi perkara 2 (i) dan (ii) tetap perlu mematuhi syarat umum pindah kredit iaitu:

- i. Gred lulus – gred minimum iaitu Gred C;
- ii. Nilai kredit – sama dengan nilai kredit kursus bagi program di institusi pengajian tinggi (IPT) penerima;
- iii. Kesetaraan kurikulum kursus – tidak kurang 80%; dan
- iv. Kursus yang boleh dipindahkan kredit hendaklah daripada program yang telah mendapat Akreditasi/Pengiktirafan dari badan yang berautoriti di negara berkenaan.

3. Selain itu, dasar pindah kredit secara *horizontal* yang dinyatakan dalam Perkara 6, Surat Makluman Berkenaan Dasar Jaminan Kualiti Yang Diputuskan Melalui Mesyuarat Kajian Semula Dasar-Dasar Berkaitan Jaminan Kualiti Bil 1/2011 - 3/2011 yang bertarikh 27 Mac 2012 bagi situasi berikut adalah **dimansuhkan**:

“Pelajar sedang mengikuti suatu program dan dalam masa yang sama mengambil beberapa kursus di PPT yang lain (contoh program mobiliti atau program pertukaran pelajar)

Pemindahan kredit adalah dibenarkan namun ia tidak boleh melebihi 30% daripada jumlah kredit program pengajian yang sedang diikuti dan ia adalah berdasarkan persetujuan antara kedua-dua PPT.”

Sehubungan itu, pindah kredit bagi situasi ini adalah mengikut dasar **pindah kredit dengan gred** seperti di perkara 2 (i).

4. Manakala **dasar pengecualian kursus** seperti yang dinyatakan dalam perkara 7, Surat Makluman Berkenaan Dasar Jaminan Kualiti Yang Diputuskan Melalui Mesyuarat Kajian Semula Dasar-Dasar Berkaitan Jaminan Kualiti Bil 1/2011 - 3/2011 **dikekalkan dengan beberapa pemansuhan** iaitu ketetapan yang melibatkan mata pelajaran wajib (MPW) seperti berikut:

- i. Pengecualian kursus tidak akan menyebabkan pelajar mendapat kredit bagi kursus yang dikecualikan. **(Kekal)**
- ii. Sekiranya pengecualian kursus itu akan menyebabkan keperluan kredit bergraduasi tidak mencukupi, maka pelajar perlu mengambil kursus lain bagi menggantikan kursus tersebut. **(Kekal)**
- iii. Pelajar yang lulus MPW di peringkat sijil tidak boleh mengambil semula kursus tersebut di peringkat diploma. **(Dimansuhkan)**
- iv. Walau bagaimanapun, bagi pelajar yang telah lulus MPW di peringkat sijil/diploma boleh mengambil MPW di peringkat ijazah sarjana muda. **(Dimansuhkan)**
- v. Pelajar antarabangsa dikecualikan daripada mengambil MPW, namun diberi pilihan untuk mengambil MPW sekiranya berminat. **(Dimansuhkan)**

Pemansuhan tersebut adalah kerana MPW telah ditambahbaik dengan penawaran mata pelajaran umum (MPU) mulai September 2013 dan pindah kredit MPU hanya dibenarkan secara *horizontal* sahaja.

5. **Dasar ini berkuat kuasa mulai tarikh surat ini** dan hendaklah dibaca bersama dengan Surat Makluman Berkenaan Dasar Jaminan Kualiti Yang Diputuskan Melalui Mesyuarat Kajian Semula Dasar-Dasar Berkaitan Jaminan Kualiti Bil 1/2011 - 3/2011 yang bertarikh 27 Mac 2012 yang berkaitan dengan pindah kredit.

6. Kerjasama dan perhatian YBhg. Tan Sri/Datuk Seri/Dato' Seri/Datuk/Dato'/Datin/Prof./Dr./Tuan/Puan adalah dimohon untuk mengambil perhatian yang sewajarnya berhubung perkara ini.

Sekian, terima kasih.

“BERKHIDMAT UNTUK NEGARA”

Saya yang menurut perintah,



(DATUK PROF. DR. ASMA BINTI ISMAIL)

Ketua Pendaftar

Institusi Pendidikan Tinggi Swasta

Jabatan Pendidikan Tinggi

Kementerian Pendidikan Tinggi

s.k.

1. Timbalan Ketua Pengarah Pendidikan Tinggi (IPTS)
Jabatan Pendidikan Tinggi
Kementerian Pendidikan Tinggi
2. Ketua Pegawai Eksekutif
Agensi Kelayakan Malaysia
Menara PKNS-PJ
17, Jalan Yong Shook Lin
46050 PETALING JAYA
3. SUSK YB Menteri Pendidikan Tinggi
Kementerian Pendidikan Tinggi
4. SUSK YB Timbalan Menteri Pendidikan Tinggi
Kementerian Pendidikan Tinggi
5. Pengarah
Bahagian Governan IPTS
Jabatan Pendidikan Tinggi
6. Pengarah
Bahagian Penguatkuasaan dan Inspektorat
Jabatan Pendidikan Tinggi
7. Pengarah
Bahagian Pendaftaran dan Piawaian
Jabatan Pendidikan Tinggi